

*Telimumk aqq Tel-we'wasik Walipot/Life Cycle of a Boat Me'sua'taqney* iknmask kisi-tkweywan nutqo'ltijik tle'yawultijik Sipekne'katik aqq Wasoqopa'q L'nue'kati'l maw-lukuti'tijik pema'tu'tij L'nui-kijijitaqn aqq Kisiku'k, Etl-kina'mua'tiliji aqq etl-kina'masultiliji Espi-kina'matnewo'kuoml, Etl-lukutiliji Etl-klo'tasik Sa'qewey wjit Wji'kmuey aqq Kanataewey Anko'tasik Maqamikew, aqq pilue'k toqi-lukuti'tijik wjit mawkina'masimk, mawitekemk, telimumkl walipotl aqq wela'matimk. Ula lukwaqney wejiaq *Etuaptmumkewey*, ta'n wiaqa'tumkl kitk L'nui-kijijitaqn aqq Qame'kewey Kijijitaqn wjit pipanuijkemk aqq teli-kijijitekemk, eltumkl lukwaqne'l wjit Nutqo'ltijik L'nu'k No'pa Sko'sia.

Ta'n telimumk walipot aqq ta'n wiaqtekl napuikaqnn, amalapimkl aqq aknutmaqnn wejiaql kina'masuti'l etekl *Etuaptmumk* kiswa *Two-Eyed Seeing*, ta'n tel-kina'mue'tip *Etuaptmumkewey* Kisiku Albert Marshall, Kisiku Murdena Marshall, aqq Dr. Cheryl Bartlett:

*Etuaptmumk* wesku'tasik tel-kina'masimk ewe'wmn newte'jk kpukik wjit L'nuikijijitaqn aqq teli-kijijitekemk, aqq ktik kpukik wjit Qame'kewey kijijitaqn aqq teli-kijijitekemk... aqq ekina'masimk kitk kpukikl toqi-we'wmn, kulaman msit wen wji-wlapesitew. Kejitue'k ta'n tel-lukutiek nkutey ika'taqumk. Te'sikiskikl, nuji-ika'taquet mil-lukwet, jijuaqa elkenawet aqq jijuaqa ika'taqtukl skinaminn, maliaptikl wejkwisqaliaql, atkeknawet, mawikwenawet aqq mena'taqt, aqq me' piluey koqoey.

Nkutey ika'taqn, walipot eltumk nuta'q mil-lukutimk kulaman 'kaqi-kisa'ten'. Walipot eltumk nuta't kejiteket aqq natawa'qa'teket nujitoql walipotl ktantun koqoey ewe'wasik aqq mawo'tun, aqq ta'n etl-lukwemk apoqntik telimumk walipotl, ekina'muemk, amjaqawemk aqq paqasa'tumk walipot.

Katu eltumk walipot elt tela'matultimk. Amuj mawkwajik nujitoq walipot aqq pem-kina'masultilijik, nutqo'ltijik nenmnew lukwaqne'l ewe'wasikl, amjaqawet aqq kmu'j. Aqq elt, etek tela'matulti'tij ta'n wenik el'tu'tij walipot, amjaqami'tij, aqq wetnu'kwatmi'tij walipot, ta'ni'k poqtamo'taqatijik aqq anko'tmi'tij, aqq ta'n wenik wasoqatetaqatijik, ta'n wenik me'sua'tu'tij aqq ta'n wenik nemitu'tij...meluij nkutey *Msit No'kmaq/All my relations*. Kisi-nmitu'n telimumk aqq tel-we'wasik walipot, nike' ki'l elt wiaqpin kis-kina'masultiek, aqq iapjiw sa'se'wita'sulti'k.

– Wela'lioq, Thank you, Merci, Ekosani, *Etuaptmumkewey* Lukwaqney Nikana'tu'tij aqq Wiaqpultijik